



Siège national  
47 rue d Clichy  
75311 Paris Cedex 09  
Tél : 01 45 96 03 05

## FIARAHA-MIVAVAKA MARDI 16 FEVRIER 2021

**Pasteur Seth RASOLONDRABE**

"Edit d'Haman et démarche de Mardochee auprès d'Esther"

Esther 3-4

Amin'ny anaran'ny Ray sy ny Zanaka sy ny Fanahy Masina

**HIRA** 643.1-2

Vavaka

Teny fampidirana:

**HIRA** 643.3

### Vakiteny 1 **Esthera 3.1-9**

**Ny fahasoran'i Hamana tamin'i Mordekay, sy ny hevitra nataony handringanana ny Jiosy.**

1REHEFA afaka izany zavatra izany, dia nasandratr'i Ahaserosy mpanjaka Hamana, zanak'i Hamedota Agagita, ka nomeny voninahitra, ary ny sezany nataony teo alohan'ny an'ny mpanapaka rehetra izay teo aminy. 2Ary ny mpanompon'ny mpanjaka rehetra izay teo am-bavahadin'ny mpanjaka dia nandohalika sy **niankohoka** teo anatrehan'i Hamana; fa izany no didin'ny mpanjaka.

Fa **Mordekay kosa** tsy mba nety nandohalika na niankohoka. 3Dia hoy ny mpanompon'ny mpanjaka izay teo am-bavahadin'ny mpanjaka tamin'i Mordekay: Nahoana hianao no mandika ny didin'ny mpanjaka?

4Nefa na dia niteny taminy isan-andro aza ireo, dia tsy mba nihaino azy izy, ka nolazain'ireo tamin'i Hamana, mba hizahany na haharitra amin'ny teniny ihany Mordekay, na tsia; **fa efa nilaza tamin'ireo izy fa Jiosy.** 5Ary rehefa hitan'i Hamana fa Mordekay tsy mba nety nandohalika na niankohoka teo anatrehany, dia tezitra loatra izy. 6Ary nataon'i Hamana ho zavatra kely loatra ny haninji-tanana hamely an'i Mordekay irery ihany (fa efa nambara azy ny firenen'i Mordekay), **ka dia nitady handringana ny Jiosy rehetra eran'ny fanjakan'i Ahaserosy koa izy, dia ny firenen'i Mordekay.**

7Tamin'ny volana voalohany (volana Nisana izany) tamin'ny taona faharoa ambin'ny folo nanjakan'i Ahaserosy mpanjaka, dia nisy nanao pora (filokana izany) teo anatrehan'i Hamana ny amin'ny isan-andro isan-andro sy ny isam-bolana isam-bolana hatramin'ny volana faharoa ambin'ny folo (volana Adara izany).

8Ary hoy Hamana tamin'i Ahaserosy mpanjaka: Misy firenena iray efa miely sy mihahaka eny amin'ny firenena samy hafa isan-tokony eran'ny fanjakanao; **ary hafa lalàna noho ny firenena rehetra ireny** sady tsy mba mankatò ny lalàn'ny mpanjaka; ary tsy **mendrika** amin'ny mpanjaka ny hamela azy ho eny; 9koa raha sitraky ny mpanjaka, aoka hosoratana mba haringana ireny, dia handoa talenta volafotsy iray alina ho eo an-tànany mpanao raharaha aho ho entina ao an-trano firaketan'ny mpanjaka.

### Fanazavana Fohy

**HIRA** 640.1 (Mitovy feo @ 407)

## VAVAKA ISAM-PIANAKAVIANA VAVAKA MPITANDINA

### VAKITENY 2. Esthera 3.10-15

10Dia nesorin'ny mpanjaka tamin'ny tanany ny peratra fanombohany ka nomeny an'i Hamana, zanak'i Hamedota Agagita, fahavalon'ny Jiosy. 11Ary hoy ny mpanjaka tamin'i Hamana: Homena anao ihany ny volafotsy sy ny olona koa hanaovanao azy araka izay sitrakao.

12Dia nantsoina ny mpanoratra ny mpanjaka tamin'ny andro fahatelo ambin'ny folo tamin'ny volana voalohany, ka nosoratana izany araka izay rehetra nandidian'i Hamana ho an'ny solo-mpanjaka sy ny governora tamin'ny isan-tokony ary ny mpanapaka ny firenena rehetra, ho any amin'ny isan-tokony araka ny sorany avy, ary ho amin'ny isam-pirenena araka ny fiteniny avy; dia tamin'ny anaran'i Ahasoerosy mpanjaka no nanoratany azy ka notombohiny tamin'ny peratra fanombohan'ny mpanjaka.

13Ary ny taratasy dia nampitondrainy ny tsimandoa ho any amin'ny isan-tokony amin'ny fanjakan'ny **mpanjaka mba hampandringana sy hampamono ary hampandripaka ny Jiosy rehetra, na tanora na antitra, hatramin'ny zaza amim-behivavy aza, amin'ny indray andro monja,** dia tamin'ny andro fahatelo ambin'ny folo tamin'ny volana faharoa ambin'ny folo (volana Adara izany), ary handroba ny fananany. 14Ny kopen'ny teny izay natao didy ho amin'ny isan-tokony amin'ny fanjakana dia nisokatra mba ho hitan'ny olona rehetra hampiomana azy ho amin'izany andro izany. 15Dia nivoaka ny tsimandoa, ka nododonan'ny tenin'ny mpanjaka; ary nantsoina tany Sosana renivohitra koa ny lalàna. Ary ny mpanjaka sy Hamana nipetraka hisotro; fa ny tao an-tanàna Sosana kosa dia very hevitra.

### Fanazavana fohy

## HIRA 640.2 VAVAKA ISAM-PIANAKAVIANA VAVAKA MPITANDRINA.....

### VAKITENY 3. Esthera 4.1-9

Ny alahelon'ny Jiosy, ary ny nataon'i Mordekay sy Estera mba tsy hahatanterahan'i Hamana izay nokasainy.

1NONY fantatr'i Mordekay izay rehetra efa natao, dia nandriatra ny fitafiany izy ka nitafy lamba fisaonana sady nihosin-davenona, dia nankeo afovoan'ny tanàna ka nitaraina sy nidradradradra mafy; 2ary tonga teo anoloan'ny vavahadin'ny mpanjaka aza izy; nefa tsy nisy nahazo niditra teo amin'ny vavahadin'ny mpanjaka, raha nitafy lamba fisaonana.

3Ary tany amin'ny isan-tokony tamin'ny fanjakana rehetra nalehan'ny tenin'ny mpanjaka sy ny didiny dia nalahelo mafy ny Jiosy ka nifady hanina sy nitomany ary nidradradradra, sady maro no nandry tamin'ny lamba fisaonana aman-davenona.

4Ary niditra ny ankizivavin'i Estera sy ny tsindranolahiny ka nilaza izany taminy. Dia nalahelo indrindra ny vadin'ny mpanjaka, ka nampanatitra lamba hitafin'i Mordekay izy mba hanesorany ny lamba fisaonana

taminy; nefa tsy nety nandray izy. 5Ary Estera niantso an'i Hatàka, tsindranolahin'ny mpanjaka, izay notendreny hanompo azy, ka nampitondra teny azy ho any amin'i Mordekay, mba hahafantarany izay anton'izany.

6Dia nivoaka Hatàka nankany amin'i Mordekay ho eo an-kalalahana eo an-tanàna, dia ilay eo anoloan'ny vavahadin'ny mpanjaka; **7dia nambaran'i Mordekay taminy izay rehetra efa nanjo azy sy ny isan'ny vola izay nokasain'i Hamana haloa ho ao an-trano firaketan'ny mpanjaka noho ny handringanana ny Jiosy.** 8Ary nomeny azy koa ny kopen'ny lalàna, izay nantsoina tany Sosana handringanana azy, mba haseho amin'i Estera hampahafantatra azy izany sy handidy azy hiditra ao amin'ny mpanjaka mba hifona aminy sy hangataka eo anatrehany ho an'ny fireneny. 9Ary tonga Hatàka ka nanambara ny tenin'i Mordekay tamin'i Estera.

## **Fanazavana fohy**

**Hira 640.3**

### **VAVAKA ISAM-PIANAKAVIANA**

Mivavaka ho an'izay ao an-dapa rehetra isika

### **VAVAKA MPITANDINA**

#### **VAKITENY 4. Esthera 4.10-17**

10Fa Estera naniraka an'i Hatàka indray hanao amin'i Mordekay hoe: 11Ny mpanompon'ny mpanjaka rehetra sy ny olona isan-tokony eran'ny fanjakany dia samy mahalala fa na iza na iza mankeo amin'ny mpanjaka ho eo an-kianja anatiny, na lehilahy na vehivavy, nefa tsy nantsoina, dia misy lalàna iray ihany hahafaty azy, afa-tsy izay hotondroin'ny mpanjaka amin'ny tehim-bolamena hahavelona azy; ary izaho anefa dia tsy mbola nantsoina hiditra ao amin'ny mpanjaka intsony telo-polo andro izay. 12Dia nolazaina tamin'i Mordekay ny tenin'i Estera.

13Ary Mordekay nampitondra valiny ho amin'i Estera hoe: **Aza manao anakampo fa ho afaka mihoatra noho ny Jiosy rehetra hianao, saingy ao an-tranon'ny mpanjaka; 14fa raha hangina mihitsy hianao amin'izao andro izao, dia hisy fahafahana sy famonjena hiseho avy amin'ny fitoerana hafa ho an'ny Jiosy, fa hianao sy ny mpianakavin-drainao kosa dia haringana; ary iza no mahalala, fa angamba ho amin'izao andro izao mihitsy no nanandratana anao ho amin'ny fanjakana?**

15Dia nampitondra valiny ho any amin'i Mordekay indray Estera ka nanao hoe: **16Mandehana ary, vorio ny Jiosy rehetra izay hita ato Sosana, ary mifadia hanina noho ny amiko, ka aza mihinana na misotro hateloana na andro na alina; ary izaho sy ny ankizivaviko hifady toy izany koa, ary amin'izany no hidirako ao amin'ny mpanjaka, na dia tsy araka ny lalàna aza; koa raha tãhiny maty aho, dia maty. 17Dia lasa Mordekay ka nanao araka izay rehetra nandidian'i Estera azy.**

## **Fanazavana Fohy:**

**HIRA 640.4**

### **VAVAKA ISAM-PIANAKAVIANA**

---

Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil, Dijon, Evry-Fitiavana, Fihobiana-Paris, Grands-Champs, Grenoble, La Réunion, Lille, Lyon, Melun, Montpellier, Mulhouse, Nancy, Nantes, Nice, Orléans, Paris, Poitiers, Port Royal Arago, Reims, Rennes, Rouen, Saint-Etienne, Strasbourg, Toulouse, Tours, Troyes, Vatofehizoro, Vincennes, Yvelines-Fahazavana

## VAVAKA MPITANDINA + VAVAKA NAMPIANARIN'NY TOMPO

**FANDRAVONANA: Esaia 41.10** *Aza matahotra hianao, fa momba anao Aho; Ary aza miherikerika foana, fa Izaho no Andriamanitrao; Mampahery anao Aho sady mamonjy anao; Eny, mitantana anao amin'ny tana ankavanan'ny fahamarinako Aho.*

**HIRA 460.1**  
**TSO-DRANO**